

# Inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaat

## § 1.

Inissiaatileqatigiiffimmik pilersitsinissaq pillugu Inatsisartut peqqussutaanni nr. 12, 28. oktober 1993-imeersumi allannguutigittinneqassapput:

1. § 5 oqaasertalersorneqassaaq imaattunik:

"§ 5. Naalakkersuisut piginnaatinneqarput pigisat maannamut ineqarnermik aqutsinermut ataatsimoortumillu allaffeqarfinnut atasut soorlu illuutit, pequtit pigisallu allat nalingi aallarniutitut aningaasaliissutigissallugit.

*Imm.* 2. Inissianut attartortittakkanut tunngatillugu 31. december 1994-imi ineqarnermut akiliutitut akiitsut namminersornerullutik oqartussanit akilersortinneqarneranni ilanngaattissat ilanngaatigereerlugit isertitat nalingat aamma tamakkiisumik ilaannakortumilluunniit inissiaatileqatigiiffimmut aningaasaliissutigineqarsinnaapput inatsisartut aningaasanut inatsimmik akuersineratigut tamanna akuersissutigineqarpat."

## § 2.

Peqqussut atortuulerpoq 15. maj 1996.

*Namminersornerullutik Oqartussat, ulloq 2. maj 1996*

Lars Emil Johansen

/

Daniel Skifte

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut